

同治拾年新年刊

種痘新書

汀都張
琰遜玉氏編輯

善成堂藏反



種痘新書序


嘗聞天無私而化生地無私而化
聖人無私而大道行於千古蓋無私
者之爲利普也而技藝之中普剛莫
如醫術余友遜王張先生少肄舉業
早入泮林利濟心淡痛癢念切奈屢
趨鄉試悉落孫山乃退而言曰不爲



良相當爲良醫遂潛心醫術而於痘疹愈加意焉夫痘疹之發刻日限期危而且急治之如救焚拯溺非若他症可以遷延時日也况黃口嬰孩五臟未固六脈無憑雖有望聞難於切問藥固不敢猛攻症又不容緩救盤根錯節利器有時而難施惟先生獨

神其術遍行州郡濟衆扶危四方咸
以二天戴之余乃問先生高術何自
而傳先生爲余言曰昔聶久吾先生
蒞任寧陽余先祖拜其門下于痘科
得其手書又兼口授襲箕裘者已三
世矣予曰公家既有秘傳曷不公之
于世普利羣生先生嘆曰醫書充棟

惟種痘之術不傳蓋術家欲專其利
故秘其術以自私也余行術數十年
閱歷既深臨症亦衆痘疹之險變幻
多端余已斟酌萬全投劑輒應今余
年將就衰欲將其術傳之天下故續
述遺篇詳加參考且將祖父秘傳一
一書之於冊意欲付之剞劂以爲濟



醫藥大學圖書館

方公盍爲余序之余乃歎曰先生此舉卽天地無私之心也蓋秘其術以救人救在一方不可以及天下救在一時不可以及後世此書一出而天下後世之嬰兒如賴一家之父母卽爲當朝良相未必父母乎天下卽父母乎天下未能父母乎後世先

生之功不居然良相之上先生之德
不儼然與天地聖人參乎予乃欣然
握管以弁其首云

筆山伍士玉琢章氏謹題



自序

今夫創千古未有之奇裁一心獨得
之蘊以新岐黃之耳目者乃得謂之
新若治痘之家名賢濟濟即治痘之
法汗簡盈盈但墨守一室者拘管見
而不能通循行故轍者泥常法而不
知變率由舊章陳陳相因已耳即以



中國醫藥大學圖書館藏

舊章而論宇內方書總無種痘之說
豈治痘之方則宜傳之於世而種痘
之術不可向人言乎蓋祕其訣而不
示筆之于書私其技而不欲公之于
世也余今乃洩人之所未洩傳人之
所不傳書不云新亦何云乎或謂痘
為最險之症當天行癘疫人皆惶恐

方思遠避之不暇况集嬰孩小子無
素無端取而種之是舉無疾之人
空而授之以病也仁者將安忍乎余
三不然痘乃先天之毒方陰陽交感
之際早已植根于胎元一遇五運變
遷時行疫氣之感從末有不發者若
俟其既發而始圖之則疫氣流行症



中医药大学图书馆藏

多不順又或付之庸手表裏虛實之
莫辨溫涼和解之不明既不能起死
以回生反歸咎於天災之作孽此今
所以痛心疾首不能不致嘆於消患
於未萌保安於未危者其功為甚鉅
也惟于無事之日以佳苗而引胎毒
斯毒下橫而症自順敢曰人謀能奪



造化之柄哉亦趨吉免凶保安無危
仁人慈幼之善術耳余祖承聶父吾
先生之教種痘箕裘已繼數代余讀
父書遍臨痘症幾及萬人用數十年
艱苦之思日憂勤於治痘之法師古
而不泥於古讀書不盡信其書辨症
誤藥因病制方重可使輕逆可使順




危可使安雖遇不治之症亦或為之
治矣但年暮力疲無復四方之志
將生平學力悉筆千書非敢曰創
古未有之奇也特以獨得而心裁
公之于世以補慈幼之術而新岐
黃之耳目云爾故題之曰種痘新書

告

清乾隆六年辛酉歲次仲春月穀旦

三山汀郡寧陽張琰遜王氏

題



種痘新書凡例

一醫宜首明藥性。藥性若熟。則左宜右有。隨症立方。因時加減。百無不效。故首卷必先藥性。况痘症之發。限日限時。而藥亦
有因時而用者。故詳辨前後之所忌。與先後生熟之所宜。令
學者覽之。知某日當用生。某日當用熟。某藥忌于前。某藥忌
于後。庶不至於有誤也。

一望聞問切。醫家之要。缺一而不可也。但痘症多出小兒。既無
脉之可憑。且痘出則肌肉浮腫。而又難于切脉。况痘毒雖由
臟腑症盡呈于皮膚。觀其外。即可知其內。是又不必深求乎
脉也。故于脉訣畧而不詳。欲學者留心于望聞與問而已。



中國醫藥大學圖書館藏

一方書極備于往昔余嘗博覽各書採取奇方留心數十餘年
其效者而存之其不效者而去之更雲遊宇內通衢大邑
所得家傳秘訣悉呈于書以傳天下

一書中議論或出于一己之化裁或因乎前賢之故典蓋往昔
不刊之論不敢復增一字必傳為萬代之謨部斷不厭詳明
無妨條呈法度以為學者之則此為述為作無非互相發明
也

一書中分順險與逆順者不必治逆者不可治似祇教治乎險
症也孰知不必治者而妄治之正恐誤投藥餌症之輕者而
反變重不可治者而強治之及治而立斃必致旁人之誚故



詳而分之使學者固無妄治之弊亦免管見之譏也

治痘要藥悉呈於前令學者依方而製丸散以備緊急之用

其餘治痘諸方詳載於後令學參考擇取以博醫方

書中圈點非取其文之妙辭之雅也是取其理之確議之當

爲千古不磨之真訣然後疊疊而重圈至于疊點之處亦爲

緊要之言其或三角圈者或藥名或標方標症庶不致于紊

淆學者切宜緊記慎勿泛泛讀過不爲警意致負余之望也

書分仁義禮智信五部以配天地之五行

